

十朝东华录

嘉庆朝

第七
函

第七
册

嘉慶朝

東華錄目錄

嘉慶一 起嘉慶元年正月盡六月

嘉慶二 起元年七月盡十二月

嘉慶三 起二年正月盡六月

嘉慶四 起二年七月盡十二月

嘉慶五 起三年正月盡六月

嘉慶六 起三年七月盡十二月

嘉慶七 起四年正月盡六月

嘉慶八 起四年七月盡十二月

嘉慶九 起五年正月盡六月

嘉慶十 起五年七月盡十二月

嘉慶十一 起六年正月盡六月

嘉慶十二 起六年七月盡十二月

嘉慶十三 起七年正月盡六月

嘉慶十四 起七年七月盡十二月

嘉慶十五 起八年正月盡六月

嘉慶十六 起八年七月盡十二月

嘉慶十七 起九年正月盡六月

嘉慶十八 起九年七月盡十二月

嘉慶十九 起十年正月盡六月

嘉慶二十 起十年七月盡十二月

嘉慶二十一 起十一年正月盡六月

嘉慶二十二 起十一年七月盡十二月

嘉慶二十三 起十二年正月盡六月

嘉慶二十四	起十二年七月盡十二月
嘉慶二十五	起十三年正月盡六月
嘉慶二十六	起十三年七月盡十二月
嘉慶二十七	起十四年正月盡六月
嘉慶二十八	起十四年七月盡十二月
嘉慶二十九	起十五年正月盡六月
嘉慶三十	起十五年七月盡十二月
嘉慶三十一	起十六年正月盡六月
嘉慶三十二	起十六年七月盡十二月
嘉慶三十三	起十七年正月盡六月
嘉慶三十四	起十七年七月盡十二月
嘉慶三十五	起十八年正月盡六月
嘉慶三十六	起十八年七月盡十二月
嘉慶三十七	起十九年正月盡六月
嘉慶三十八	起十九年七月盡十二月
嘉慶三十九	起二十年正月盡六月
嘉慶四十	起二十年七月盡十二月
嘉慶四十一	起二十一年正月盡六月
嘉慶四十二	起二十一年七月盡十二月
嘉慶四十三	起二十二年正月盡六月
嘉慶四十四	起二十二年七月盡十二月
嘉慶四十五	起二十三年正月盡六月
嘉慶四十六	起二十三年七月盡十二月
嘉慶四十七	起二十四年正月盡六月

嘉慶四十八

起二十四年七月盡十二月

嘉慶四十九

起二十五年正月盡六月

嘉慶五十

起二十五年七月盡是月己卯

仁宗皇帝 高宗第十五子也 母孝儀純皇后魏佳氏原任內管領加封承恩公清泰之女以乾隆二十五年庚辰十月初六

日丑時誕 上於 御園之天地一家春 上隆準豐顙舉止凝重神明內蘊睿慮淵通自六齡就傳受書於兵部侍郎奉寬年十

三歲五經學今體詩於工部侍郎謝懋學古文古體詩於侍講學士朱珪天藻睿發英詞炳蔚拔筆立就勳成典則性尤純孝七齡

時謁 上聖憲皇后於盤山行殿瀝承 怡慶事 高宗純皇帝 孝儀純皇后婉愉孺慕曲極 歡心三十八年癸巳十四歲上

元前夕宴親藩 特命奉觴上壽是年 高宗遵密建 家法 親書 上名緘固藏 乾清宮正大光明扁上長至 南郊大祀

復以 上名獻告祈加 眷佑是日復 命祀 東陵隱然以神器攸歸面稱 天 祖三十九年甲午 賜成大婚禮是為 孝

淑睿皇后 上定省之暇懋學稽古日居書室惟究心治法源流古今得失參稽考證寒暑間開所居書室五楹嘗取三餘之義類

以味傳擲藻抒文卷軸日富後所刊詩文全集四十卷是也尤喜讀諸史通鑑上下三千年治蹟瞭然貫徹 御極後幾餘遺典依

史分題製詠遂成全帙自乙酉六齡時隨 駕至木蘭 高宗巡視江浙祇謁闕里及歲行秋獮恆侍 行幄廣 天章數蒙 經

賞國十八生癸卯 高宗詣盛京恭謁 祖陵命 上隨侍行禮復以宗祏有託敬告 太祖 太宗之前仰祈 靈爽式憑不垂

昭鑒五十年乙巳到籍 特令從耕播種五十四年己酉封嘉親王自是每歲 兩陵春祀 壇 廟薦新多 命恭代行禮崇微

東偏曰毓慶宮 上養正時所居也分邸後移居撫芳殿至建儲未宣諭之前又重葺是宮復 命居之並賜懋德堂額典從前遊

香山莊松鶴齋後 賜額同名蓋密邇遼庭祇承 堂構早寓付託深心乙卯 高宗臨御六十年 聖壽八十有五因踐阼之初

曾以周甲歸政告 天又自密建以來二十二年灼見 上仁孝端醇克肩重器爰命禮官諏吉於是年頒朔前九月初三日 御

勤政殿集王公百官啓密緘 冊 上為 皇太子祇告 天 地 宗廟 社稷於明年丙辰元旦 御太和殿 親授寶璽傳

位於 上 詔以是年為嘉慶元年敬惟自古帝王以聖人相禪者惟堯舜禹而伊者鳩蜺與繼體祚祚 高宗創舉盛儀初元

授 受 兩聖同堂三年如一 至四載以後無不恪遵 彝訓時懷 前猷實為前古所未有允宜遵 天祚裕後昆貽萬世無

疆之業焉○嘉慶元年丙辰春正月戊申朔舉行 授 受大典 上侍 太上皇帝詣 奉先殿 堂子行禮○遣官祭 太廟

後殿○ 太上皇帝御太和殿親授 上寶 上跪受寶 太上皇帝受寶畢還宮 上即位受賀奉 太上皇帝傳位詔書頒行

天下覃恩有差○是日 上侍 太上皇帝詣 壽康殿行禮 御乾清宮 皇子親藩等宴○庚戌論軍機大臣等福康安和

琳奏攻克擒頭坡驛馬欄等處險要賊寨肅清苗匪暨奏欣悅擒頭坡山路除寇匪木城石卡愈多福康安和琳密為布置出其

不意奪險而入並令額勒登保分兵前往遏其歸路大 奴戮將驛馬欄各大山梁全行奪據擒頭坡驛馬欄為平隴乾州門戶

戶既破官兵乘勝長驅直抵平隴福康安和琳遠在軍營慰者勞績嘉獎之餘深為眷念至兵丁等打仗出力均屬可嘉捷音一至

當書加優異同霑懋澤也○辛亥 上御太和殿奉 太上皇帝命冊立 嫡妃喜塔臘氏爲 皇后冊封制妃鈕祜祿氏爲 貴

妃劉佳氏爲 誠妃侯佳氏爲 瑩嬪○ 上侍 太上皇帝御寧壽宮皇極殿舉行千叟宴賜親王大臣官員蒙古貝勒貝子公

額駙台吉年七十以上者三千人及回部朝鮮安南暹羅廓爾喀貢使等宴具一品大臣及年屆九十以上者 太上皇帝召至

御座前親賜卮酒其未入座五十人各賞詩章如意壽杖文綺銀牌等物有差○ 太上皇帝御重華宮宴宴羣臣及內廷翰林

每歲皆如之○鑄嘉慶錢○壬子 上侍 太上皇帝御紫光閣賜蒙古王貝勒哈密郡王等及土爾其特杜爾伯特朝鮮安南暹

羅廓爾喀使臣等宴並賞賚有差每歲皆如之○庚申奉 太上皇帝命封 皇后兄盛住一等承恩侯○辛酉祈穀於 上帝

上以福酒躬嘗 太上皇帝 太上皇帝卽以賜 上○ 太上皇帝御奉三無私殿賜 皇子親藩等宴○壬戌 上侍 太

上皇帝御正大光明殿賜朝正外藩等宴每歲皆如之○癸亥 上侍 太上皇帝御正大光明殿賜大學士尙書等宴每歲皆如

之○壬申湖北枝江宜都二縣日蓮教匪羣傑人劉盛鼎等糾眾滋事命惠齡剿之

二月丁丑朔釋奠 先師孔子○庚辰以初舉經筵 上詣傳心殿行禮 御文華殿經筵幸文淵閣賜講官及聽講諸臣茶復賜

宴於本仁殿自是以爲常 辛巳諭軍機大臣等福康安和琳奏官兵攻克連雲山巖洞寨等處大兵深入重地前後防範尤宜嚴

密官兵分撥調遣尙費未能足用等語見在功屆垂成目不便指涉冒昧福康安等奏步步安營所見甚是如接到此旨賊首石三

保石柳鄧等業經全數就擒不須再添兵丁固屬甚善備賊首雖已就獲餘黨尙須分投搜捕聞於就近添調兵丁萬餘四路搜擒

賊事自更迅速○兗甘肅貴德廳 文廟○己丑 上御乾清門聽政自是以爲常在圖明則則御勤政殿○庚寅命有明宗幹亮

安慶罪效力湖南軍營○調四川雲南廣西兵一萬名廣東陸路兵一萬名赴湖南軍營○乙未諭刑部衙門因司員等懇請馳封

具奏但所請馳封之人如係伯叔兄長外祖等尊屬身受撫育恩惠例得推恩者自應准給封典若係遠屬顯親亦展轉懇請馳封

與例不合者豈可漫無限制其應准應駁部中自可循照定例分別裁辦又何必由各衙門紛紛稟奏耶嗣後內外大小官員懇請

馳封者俱著彙報吏部彙所奏情節分別批駁彙題以省繁瑣而昭限制其有情節委曲不同者該部聲明另奏若有私弊許科道

封奏所有本日刑部衙門奏請馳封一摺卽照此辦理○丁酉軍機大臣兵部議奏閩浙總督魁倫等奏玉環同知所屬石塘石

板廠等山畧原隸太平縣雍正五年設玉環同知以石塘等山劃歸管轄洋面仍轄太平縣看該山距太平縣僅六十里距玉環二

百餘里耳目難周請仍歸太平縣轄從之○己亥湖北當陽縣教匪聚眾散官命西安將軍恆瑞率滿洲兵二千往剿之○授熱河

總官鄂輝三等侍衛往湖北軍營協剿○王寅陝西巡撫法道爲鳳鄧道移駐鳳翔○甲辰追封 皇后父原任副都統和爾經額

三等承恩公母王佳氏爲公妻一品夫人○丙午諭軍機大臣等惠齡生擒首逆蘇傑人董達等賊卡所擒俱好但見蘇傑人供

實有傳言日蓮邪教之張正誤係此案爲首之犯未經就獲而餘黨亦未搜查淨盡未便遽行降旨議敘將賊諭令知之

三月丁未朔諭軍機大臣等湖南剿辦苗匪自用兵以來經福康安和琳等臨陣殲擒及各後路搜拏正法者已不下數千名其爲首及有名賊目謀逆之犯均須逐一查辦固不可稍有疏漏致日後遺孽復萌但苗匪滋擾延及川黔湖南三省其中被賊脅誘者亦復不少若驟予誅夷人數過多朕心實有所不忍著傳諭福康安和琳於石三保石柳鄧吳廷禮等擒獲後除各路爲首賊目及實係黨惡者均須悉數嚴辦此外脅從附和之苗畧尙可從寬者應免其一死分發伊犁回疆黑龍江等處爲奴此朕仰體上天好生之德法外施仁福康安和琳均當留心妥辦以副委任○己酉命烏魯木齊都統永保往湖北鄭陽會剿教匪○庚戌停四川續徵庫爾喀軍需津貼銀其已徵者悉蠲之○辛亥上親耕藉田三推疊加一推自是以爲常○壬子上侍太上皇帝啓鑒
謝東陵○西陵○免經過地方額賦十分之三○乙卯上侍太上皇帝謝昭西陵孝陵孝東陵景陵上恭謁
李賢皇后孝儀皇后陵詣瑞慧皇太子園及奠酒○丁巳免湖北教匪滋擾之枝江等二十州縣四川游苗滋擾之酉陽州額賦○戊午上侍太上皇帝幸南苑上行園○甲子上侍太上皇帝謝泰陵泰東陵回鑾○丁卯上侍太上皇帝
帝還京師○壬申留保住以疾免以烏爾圖納遜爲理藩院尙書
之妻彭氏致彭氏義忿投井身死一案因犯事在恩赦以前照例聲明援免向來各省遇有謂嚴致本婦自盡案件皆隨案裁其情節如係手足勾引情近用強者皆於秋錄時即行予勾其僅止語言調戲者果免勾決所以示區別而昭矜恤但調戲之案與圖毆不同犯圖毆者因事忿爭彼此扭結互相毆擊或因傷重致斃甘逞兇之犯亦必受傷是死者由於互毆而起釁尙屬有因至調戲之案則本婦本係安居家內忽來穢聚之言致令羞忿難堪輕生自盡情節實爲可憫其調戲之犯雖無強橫情狀而因一時邪念之萌遂陷婦女於死此而免其擬抵已屬從寬若因事在赦前僅按例追敘埋葬銀兩即予援免俾得置身事外且追埋之銀或得或不得均不可知何足以懲兇淫著刑部即將本年題過此等案件及此後辦理各案如有似此語言調戲致本婦自盡者俱於本內聲明不准援免仍入於緩決牢固監禁屆期與賊等人犯一律辦理不得遽行釋免以慰貞魂而申明端○恒瑞奏收復湖北竹山縣得旨嘉獎下部議敘

夏四月丙子朔諭軍機大臣等恒瑞雖已將竹山賊匪剿散尙有前往房縣保康剿賊事宜鄧西俱在漢江以北勢難回顧宜補駐紮商州距彼不遠所有鄧縣鄧西一帶賊匪著責成宜縣督飭百祥等實力剿辦其自竹谿以至保康一帶賊匪即責成永保恒瑞剿辦當陽遠安東湖一帶賊匪責成畢沅成德阿克東阿舒亮勦辦枝江宜都一帶賊匪責成邊齡富志那剿辦襄陽穀城均州光化賊匪即交鄂鎮同彭之年等辦理來鳳興四川接壤該處一帶賊匪即責成孫士毅督辦總之賊匪蟻聚蜂屯官兵分投搜捕辦一處必須肅清一處不得因耽匪逃散潛匿卽爲完事以致兵過之後遺孽復萌又復潛出滋擾也將此各傳諭知之○丁丑皇
后行躬桑禮○辛巳命直隸提督慶成率兵二千名往河南兩陽培剿湖北竄匪○以剿來鳳縣小劫賊匪功晉孫士毅百祥三等男

○丁亥以寶源爲左副都御史

由通源使

○己丑布顏以疾免以李廷敬爲江蘇按察使

由松太通選

○辛卯諭據伍爾烏遜奏塔爾巴哈

台每年所進馬匹由內地行走關外沙漠遼遠天氣炎熱嗣後請驅烏里雅蘇台科布多例由阿爾台一路行走庶免煩擾內地驛站等語所辦甚當著照所請行但伊犁喀什噶爾葉爾羌每年皆有應進馬匹喀什噶爾葉爾羌俱係南路回疆若亦由此路行走其間隔有博爾多山又繞路較遠如仍由內地行走徒擾驛站且回

匹俱屬平常嗣後喀什噶爾葉爾羌等處回疆所進馬匹寬行停止其伊犁所進馬匹亦著照伍爾烏遜所奏由阿爾台一路護送如此辦理既於馬匹有益而內地驛站亦可永免煩擾矣

○壬辰惠齡奏攻奪灌灣腦內坡等九處賊卡得旨獎賞○癸巳頭等侍衛鄂輝奏剿殺義焚賊匪得旨嘉獎賞副都統銜○乙未撥內庫銀二百萬兩備河南軍需○戊戌諭軍機大臣等恆瑞永保奏三里坪一帶賊匪俱係文圖剿淨而永保恆瑞僅將白雲寺

山賊匪追至黑龍溝地方並未速行堵遏所辦何事著傳旨申飭仍著速將該處賊匪剿淨即馳赴襄陽會剿黨賊匪負隅固守亦當酌一人速赴襄陽斷不可二人株守一處也○宜縣奏與柯潛明亮攻克孤山大寨擒獲賊首王全禮等得旨嘉獎下部議敘

賞明亮頭等侍衛作爲領隊○己亥福康安等奏攻克結石岡山梁石城賊寨得旨嘉獎下部議敘又奏苗匪吳龍登投誠得旨欣慰覽之○庚子賜趙文楷等一百一人進士及第出身有差○辛丑畢沅奏攻圍富陽誘賊出城設伏痛剿並截殺援賊多名

良民繩城投出者絡繹不絕命妥爲安撫

五月丙午諭軍機大臣等永保等所奏不必以先到之兵零星輕試一俟兵力齊集商同並進所見甚是邪教匪徒藉端煽惑四路追脅羣聚日多若零星打仗設官兵稍有損挫不免氣餒賊勢轉張今永保明亮已抵襄陽並知會恆瑞即帶所有之兵前往襄陽

而慶成富成德齡等帶領直隸山東山西兵亦由豫境前進至文圖昨令前赴惠齡處協同剿賊今仍著恆瑞等酌量情形如惠齡處可無須文圖急於前往即令該署鎮帶兵先赴襄陽會合攻剿恆瑞不保於官兵齊集後務須先將賊匪奔竄之路豫行堵截其

漢江沿岸一帶尤須嚴密防範將船隻先行提集不使賊匪得以偷渡南竄景安在豫境更當實力堵剿俾其無路可逃再行約期並進四面兜擒不可專攻一處致賊乘間奔竄總之襄陽過北一帶賊匪剿淨則聲勢聯絡自北而南當陽宜都一帶自必勢如破

竹又聞賊匪狡獪往往將被擄者從之人追令在前攔鋒此等愚民被賊擄掠既爲之辱使服役妻女並被姦淫及至抗拒官兵又復爲之衝鋒就死實屬可恨恆瑞等可先爲曉諭以爾等不係良民與其爲賊虐使又復驅令當先致被官兵殲戮曷若幫助官兵

反戈相向攻殺賊匪不但免罪且可邀功報仇如此明白宣諭即不能盡行聽從亦可解散賊黨於剿捕機宜較爲靈牛功倍○庚戌諭軍機大臣等福康安和琳攻克大寨當一帶險要山梁距平隴更近此時賊匪緊要屏障俱經官兵乘勝占奪而石三保石柳

鄧吳廷慶等首惡俱聚平隴正可悉數生擒一舉殲功事機順利佇待捷音速至吳龍登投出時已有旨令福康安等酌賞領頂

今吳龍登又往約鴨保寨苗眾三百餘人官同官兵打仗出力尙屬實心效順福康安和琳如接奉前旨已賞給六品頂帶藍翎此

次再加賞五品頂帶花翎並發去大小荷包傳賞給伊自加倍感激而其餘各苗匪見吳龍登投一之後如此榮耀必更有臨陣紛紛之降者於勦捕尤為有益至摺內所稱首逆等語集平龍如巢穴一破必向乾州竄匿見由平龍後山併力攻圍另出奇兵直趨乾州為一鼓掃蕩之計甚合機宜若前次進剿時早計及此處事豈不更為迅速耶○緩徵河南永辦兵差之唐縣等三十六州縣新舊額賦○甲寅諭宜縣查明逆首王全禧徐良等滋事緣由實力搜捕全行投首復派委員升於二鄉一帶搜剿擒殺漢江以北悉就肅清並將善後事宜詳悉籌辦實屬可嘉宜縣著賞戴雙眼花翎並加太子太保銜以示優獎在事出力文武員弁查明咨部議敘其餘列各事宜該部詳議具奏○改郎陽府通判為撫民通判移駐鄖西縣屬上津堡並建鄖西城垣○乙卯緩徵湖北附近災區晝夜禦賊之宣恩等五縣新舊額賦○辛酉免湖南苗匪滋擾之乾州等四廳縣苗糧十分之二○壬戌 上 侍 太上皇帝鑒私獨木蘭○免經過地方額賦十分之三○癸亥賞沿途接餉之兵丁及看守山莊弁兵一月錢糧看守口內口外行宮弁兵半月錢糧自是以為常○甲子以勦湖南廖家冲苗匪功追贈福康安父傳恆貝子○再免彈路經過缺雨之懷柔等二縣額賦十分之五○乙丑諭據彭之年文圖奏勦滅白雲寺黑龍溝之賊追至喇叭河山全行勦除一掃所辦好文圖自到鄖陽以來屢次勦賊得勝茲復將喇叭洞賊匪勦除淨盡前已有旨遇有總兵缺出卽予升用今思該副將帶領興漢鎮兵日久與兵弁相習調遣更為得力文圖卽著補授興漢鎮總兵其見任德兵德光侯有他員員缺另行補用○先是戶部議糧倉場侍郎以興奏江浙白糧改運京倉據浙江糧道詳稱旗丁情願貼給餘米三升六合交經紀起運並蘇常二幫一體辦理嗣消運總督覆稱悉旗丁等藉口虧入倉正耗或借動回空食米難以照行經戶部行知以總清既不願交耗米經紀難為交納嗣後卽令旗丁自行交倉代憑旗丁自行交倉盤撥五閭復須水運展轉四五十里勢難照料更恐花戶等藉端需索且致遲誤歸欠仍當責令經紀等轉運事屬兩便向來旗丁於交倉正耗外多備餘米三升八合前所稱貼給餘米卽在此數之內並非額外加增應仍准其交給經紀代為轉運等因查白糧運京已屆二年均係如此辦理旗丁等相安無事應如所請得旨此事辦理已經兩年均稱便易乃管幹員率稱白糧各幫耗米不便貼交經紀復行咨改轉使旗丁等守候需時幾致誤運殊屬有意沽名管幹員著交部嚴加議處至是議上管幹員應降二級罰用從之○丙寅以富綱為漕運總督調王保為吏部右侍郎以特成額為兵部侍郎

田鎮白龍崗

○戊辰

上 侍

太上

一

二

三

四

五

六

七

例具奏以示軫惜動勞有加無已至意仍賜額曰獎忠子祭嘉謚文襄○癸酉諭軍機大臣等和琳奏福康安積勞過見在嚴飭帶兵提鎮及巴圖魯侍衛將領等均各認真防守寧常鎮靜不至稍涉驚惶所辦均極周妥此時亦不復另派大臣前往門專交和琳一手督辦和琳惟富益加奮勉迅速厥功以副委任其軍營後路及應需糧餉軍火等事著交勒保總辦該督尤當實心經理無誤軍需再見據和琳奏近因雲南連縣將弁兵丁染患瘧疫者甚多和琳擒獲首惡收復乾州後不妨酌派將弁就近駐守和琳卽在辰谿辰州一帶擇留湖南本處之兵駐紮就近調度不但和琳及帶兵將領等調攝較易卽弁兵等亦免染患疾疫至石三保見已擒獲官兵一其乾州所餘不過搜捕以及善後事宜無須多兵此內所調湖北兵丁見聞本省有賊匪滋擾未免繫念至家自應先行撤回並諭知該兵丁等令其早歸本籍得以捍衛鄉廬此外再將所調官分發遠兵丁酌量以次遞撤擇其能耐水土者藉資調撥而壯聲威並著一體酌量妥協辦理○諭魁倫奏海洋盜首劉廣承即張表帶領首夥各犯四百七十二名自行投首並呈繳船隻礮械等物一摺海洋盜匪王流蓋嶺窟阮林發枝等屢在洋面肆劫今王流蓋業經被破擊斃嶺窟阮帶領夥盜全行投出其未獲者僅止林發枝一犯魁倫所辦尚屬可嘉從前盜匪莊麟投出時曾拔用千總重賞大段一匹今嶺窟阮等實給守備職銜重賞戴藍翎仍賞大段二匹以示獎勵至摺內所稱該匪等請出洋經捕見在擇其強壯身往者令跟隨官兵緝捕此或一法但宜倍加慎重不可稍有大意見在逾格施恩嶺窟阮尤必感激奮勉至圖報效著傳諭魁倫等面向嶺窟阮宣示恩誨責以捕盜之事如能將林發枝擒獲厥功固當格外優賞否則或林發枝聽聞此信亦思投首免罪其餘夥盜自皆聞風解散庶可永久安靖海疆再嶺窟阮既經投出其船內存貯米糧應儘數先給伊等食用俟此項米石食竣卽照兵丁之例一體賞給鹽菜口糧嶺窟阮既令其出洋捕盜卽照守備分例賞給將來功罪事竣此等投出之人豈能日久官爲稟給或令其散歸本籍各謀生業或令其當兵以免伊等乏食又致故智復萌總之宜散不宜聚方爲妥善至所呈繳船隻自必輕便堅固卽可作爲捕盜之用魁倫見在辦理此事特爲詳晰指示以便遵照妥辦俟續有投出者俱當照此一律辦理○甲戌諭凡兇殺二命者遇停甸之年仍立決

六月乙亥朔日有食之○以魁倫爲閩浙總督姚棠護理福建巡撫朱珪爲兩廣總督調英善爲廣東巡撫江新爲湖北巡撫以張誠基爲安徽巡撫○調紀昀爲工部尚書金士松爲禮部尚書以沈初爲左都御史譚向忠爲吏部侍郎陸有仁爲刑部侍郎張朝綱著甘肅布政使侯服滿實授○丙子諭江蘇布政使員缺著西成調補西成見在軍營其江蘇布政使印務仍著熊枚署理俟西成到任後熊枚再赴雲南本任所有陝西布政使員缺著倭什布署理俟服闋後再行實授○戊寅四川總督伯和琳奏生擒首逆石三保並訊得吳八月之子吳廷禮業經病斃得旨該督○轉伍爾烏達爲兵部左侍郎以特成額爲兵部右侍郎○癸未諭軍機大臣等當陽賊匪圍困日久勢窮力蹙今因糧盡逃出正應乘機殺戮悉數殲擒乃畢沅等不但不能入城搜捕而於奔逃之賊仍被竄回寶屬無能著賊行申飭且總兵楊秀所帶之兵本令赴鄧坪剿賊而畢沅復調往鍾祥見在宜縣派副將百祥帶兵由新山

一路赴歸州巴東若再紛紛撤調則鎮將無所適從於期捕機宜殊有關係且兵力宜合不宜分惟當擇緊要處所併力肅清一處則聲威壯盛自可乘勝掃除今零星調撥疲於奔命似此漫無紀律何以集事必須有一人總統調度方可事權歸一永保曾經軍旅較爲歷練所有楚北軍務專交永保一人督率調度即與署理督篆無異庶事有責成而鎮將等有所稟命於期捕可期得力永保須悉心籌辦以副委任僅經理稍有未安惟永保是問此次殺賊受傷之參將花連布著賞戴花翎○甲申詢向來刑部定擬大逆緣坐等犯請旨斬決者皆改爲監候秋審時率免其子何原以案犯如編造逆詞等事其父兄子弟情尚可原是以寬其一綫至如見在湖北邪教乃公然造反重案該匪等糾集多人肆行劫掠甚至戕官攻城與官兵公然抗拒實爲大逆不法已極無論其父兄子弟皆當梟子駢誅方足以彰國憲但因其子不法而遽置其父於重辟朕心究有所不忍有違以孝治天下之意所有此案向文魁張成勳張成榮張成瑞眞大貴皆係逆犯弟兄著即處斬其逆犯之父向朝德張文學眞典章俱從寬改爲應斬監候永遠牢固監禁遇赦不赦嗣後湖北逆匪案內例應緣坐人犯俱照此辦理以示朕法外施仁明刑敦孝至意○丁亥命查禁新疆產金之地毋令聚眾生事其貧民竊乞者寬之○戊子和琳奏報攻克得鋒山全壁嶺等處得旨獎賞○己丑裁山西平定州屬樂平縣併入平定州朔平府屬馬邑縣併入朔州移平定州州判駐樂平增巡檢一駐馬邑○庚寅調免湖南湖北二省教匪滋擾各州縣明年額賦○壬辰孫士毅奏攻克旗鼓寨賊營頭卡得旨獎賞○癸巳江南豐汛六堡河溢○乙未調免湖南鄰近苗疆之永綏等十一廳縣額賦○丙申惠齡等奏連克灌灣腦賊卡得旨嘉獎○丁酉和琳奏連克廖貢坡馬鞍山苗寨得旨嘉獎○己亥調台布爲戶部右侍郎成德爲工部左侍郎○癸卯署湖廣總督福甯奏孫士毅病勢日重見令將弁送至平塊以冀痊愈臣即在紅巖堡軍營彈壓諭軍機大臣等孫士毅歷任封疆屢著勞績此次因湖北教匪滋擾來鳳卽帶兵督剿連得勝仗朕原欲俟大功告竣加封公爵乃因勞成疾難以就痊如竟因病身故卽加公爵並賞銀五千兩交藩司林儒料理身後之事俱照公爵辦理並委員護送靈柩回至原籍屆期再降諭旨令伊長孫承義伯曾見在旗鼓寨剿捕賊匪正在緊要急須大員督率所有四川總督印務及該處勦捕事宜均著福甯接辦至永保在張家壩一帶痛剿賊匪乘勝進擊湖北軍務見交伊督率調度所有湖廣總督印務卽著福甯派員送交永保署理○召朱珪來京以吉慶爲兩廣總督兼署廣東巡撫事調玉德爲浙江巡撫以伊江阿爲山東巡撫

嘉慶東華錄二

秋七月甲辰州和琳奏督率額勒登保等連克黃蓮坡囉各坡等處收復乾州得旨嘉獎賞和琳三眼花翎額勒登保雙眼花翎○戊申調陳奉茲爲安徽布政使孫曰秉爲江甯布政使以康基田爲山東布政使調張長庚爲山東按察使以高杞爲湖北按察使○己酉以重興緩徵湖北湖南全省額賦○辛亥副都統銜署廣州將軍明亮奏勦平孝感胡家寨賊匪得旨嘉獎賞輕車都尉世職○大學士署四川總督三等男孫士毅奏賜祭葬贈公爵賞治喪銀五千兩諡文靖以其孫均襲伯爵○壬子命朱珪仍

署兩廣總督○戊午諭軍機大臣等永保等於剿殺梓山賊匪後自應乘勝擒拿賊首乃止將迤南青潭屯聚之賊分路攻擊賊匪仍復竄往蘭州鍾祥交界處所殊不滿意湖北勦撫事已專交永保調度今所辦仍未得有把握見在姚之富屯聚鍾祥南泉畝地方欲圖南竄而楊秀廷彼兵力較單永保等務將該處賊匪殲除即赴鍾祥併力接擒姚之富等勿再遲緩又據奏請於湖南撥兵二千分赴湖北永保兵力不為不多今賊匪各處竄聚不能四面兜擒著和琳即於湖南苗疆各卡隘及後路防守兵內酌撥二千派委鎮將帶領由水路順抵荊州交永保調度其糧運軍火等項著汪新豫為備辦○庚申調尼堪巴圖魯為貴州按察使以清安泰為湖南按察使由趙爾巽補○辛酉逆首石三保解京伏法○壬戌諭軍機大臣等當陽賊匪前經攻破東門後尚敢恣依龜背山抵死抗拒今畢沅等督率將弁奮力進剿肅清縣治深為可嘉至明亮此時究抵何處未據奏報如已赴惠齡一路即不必於途次轉回鍾祥若已赴鍾祥即會同楊秀勦賊至湖廣督篆前令永保暫署永保見帶兵勦捕地方事務未能兼顧著仍交畢沅接管其湖北軍營調度事宜著永保統率辦理以專責成○癸亥諭軍機大臣等旗鼓寨賊匪經福甯等分帶兵勇殲斃無遺賊巢全行燒毀所存止有新築小木城一座勢已窮蹙福甯等略休兵力乘勝進剿無難一鼓撲滅即當移兵柳坪擒拿賊首林之華奮勉立功至永保等一路兵多將廣龍門山一帶不過奔逃潰竄之賊有何難辦乃迄今尚在帶兵進剿且賊匪於初五日由龍門山逃往紅土山而永保此次奏摺係十一日拜發尚未直趨紅土山進剿何以如此遲緩且紅土山係在何處永保等見由何路進攻並未聲明白承保恆瑞慶成俱著傳旨嚴行申飭○戊辰以勦平紅土山賊匪功加永保太子太保慶成太子少保○己巳和琳奏鴉溪大坡寬等處苗村苗寨逐加技捕所有歸降之苗及乾州民遂避河溪者妥為經理見擬解散餘匪密籌撤兵並設法進取平

曉

八月甲戌諭軍機大臣等永保奏分路堵剿鍾祥賊匪所辦皆合機宜賊首姚之富等見在鍾祥務須會合兜擒按名拿獲並查明劉之協實在下落嚴拏務也以淨根株今恆瑞等帶兵前抵鍾祥訂期夾擊而明亮接承保知會已與德光由荊州前赴鍾祥官兵四面圍剿賊匪自無從逃竄永保等於殲淨該處賊匪後即速赴榔坪一帶合兵會擊肅清地方○以勦平旗鼓寨賊匪功加福甯觀成太子少保○丙子以兩詔停秋○丁丑諭軍機大臣等前因朱珪在廣東巡撫任內地方事務尚為熟習是以擢授兩廣總督嗣孫士毅大學士缺出因朱珪係讀書人品行端方且資格較深徐加恩將伊補授乃近日粵洋艇匪充斥且駛入閩洋肆劫皆由朱珪不能始終奮勉實力查拏殊負委任俟吉慶到粵朱珪即行來京候旨○諭滇省威遠廳所屬猓黑糾搶拒捕該鎮道等辦理不善著勒保即速同該廳同職同員查明將機受辦並將湖南軍營前調滇兵酌量撤帶二三千名以資彈壓○和琳奏三岔坪為平隴門戶該處苗眾懇請投誠臣諭令前驅殺賊適平隴苗匪糾眾前來欲燒三岔坪苗寨降苗奮力殺賊官兵乘勢迎擊生擒吳八月之姪吳者二髮賊無算得旨嘉獎賞賚降苗吳廷試等有差○乙未諭軍機大臣等和琳奏攻克竹山坡都魯溪後乘勝將強

虎嘯山梁據據距平隴賊巢更近有等神寨苗目吳老嚴等語各處降願縹緲石柳鄧等賊匪諒石柳鄧等此時自易擒獲但思湖南自剿辦苗匪以來降苗不下二十餘萬頭目亦不下百餘人其居心究難深信著和琳於剿捕事竣後悉心籌畫或將此項緊要頭目酌給頂帶攜往他處或設法移置俾離巢穴不可仍留該處致滋萌孽○戊戌和琳奏連克後城麻里灣等苗寨擒賊目石代鳴得旨嘉獎○福寶等奏攻勦湖北來鳳縣指甲坡山梁擒賊首楊子教等得旨嘉獎○己亥 上侍 太上皇帝自避暑山莊回鑾○惠齡奏勦平灌灣賊匪生擒首逆張正謨劉洪鏗等得旨嘉獎加太子少保子輕車都尉世職○以勦除當陽賊匪功賞畢沅輕車都尉世職○辛丑命僧保住以副都統留哈密辦事以英善爲刑部右侍郎調張誠基爲廣東巡撫以朱桂爲安徽巡撫○壬寅四川總督一等伯和琳卒於軍贈一等直勇公子豐紳宜縣襲入祀昭忠賢祠仍建專祠於其家

九月乙巳 上侍 太上皇帝還京師○丁未永保等奏勦平鍾祥縣賊匪得旨嘉獎晉提督慶成太子太保加副都統鄂輝太子少保並都統銜總兵官阿克東阿太子少保賞兵丁一月錢糧○己酉 上奉 太上皇帝命御出入賢良門率 皇子諸王等習射○癸丑命明亮鄂輝總統湖南軍務○加湖南巡撫姜晟總督銜○甲寅貴州巡撫馮光熊奏攻勦小竹山賊奪獲鹽河坡要卡得旨嘉獎賞兵丁一月錢糧○丙辰惠齡奏勦殺涼山賊匪奪獲獅子山等五處要卡得旨獎賞賞兵丁一月錢糧○丁巳福甯等奏勦平宣恩縣龍馬山賊匪得旨獎賞○己未停本年秋決情重者仍正法○辛酉以河南巡撫景安堵剿教匪籌辦軍需無誤加太子少保○壬戌大學士阿桂以耳聾辭兼管兵部允之○乙丑荊州副都統成德等奏報奪獲葉口長沖賊卡將弁等下部議敘賞兵丁一月錢糧○戊辰予故貝勒縣惠祭葬○壬申諭軍機大臣等永保等奏稱賊匪直奔倉臺卽派將弁統赴溇河堵截舒亮烏什哈達等帶兵往湖陽截勦永保等自西分路迎擊等語漫無端緒賊向東逃豈有自西迎擊之理且賊匪既直奔倉臺沿途焚掠急須勦捕永保恆瑞等自當酌分一人親往督兵迎頭勦捕何以僅派將弁及舒亮等分路前往况永保等所帶官兵已在賊匪之後摺內何得稱設法兜截迎擊且賊匪在溇河鎮搶掠後是否卽將該鎮搶踞而倉臺地方先經景安帶兵堵截賊匪直奔倉臺後是否卽在倉臺附近地方屯聚抑又竄往何處舒亮等如何繞道堵截會否追及賊匪痛加勦殺永保等見在帶兵前往何處追殺一切實在情形前後顛倒並未詳悉奏及又據奏知府完顏岱稟稱鄧州義勇請隨同官兵殺賊永保等卽令帶往協勦完顏岱係屬文職自應酌派實勇鎮將幫同勦辦乃永保等亦未計及此卽實因兵力疲乏不能分布圍剿必須俟京兵及山東直隸兵到彼方能進擊亦應據實奏明豈得僅以設法兜截虛詞敷衍塞責看來永保等竟因賊勢分竄一籌莫展實屬無能不保恆瑞景安慶成俱著嚴行申飭

冬十月甲戌以達慶爲左副都御史由通政○丁丑福甯等奏勦辦楚省巴東譚家村賊匪得旨嘉獎○己卯諭大學士缺出久逾月月見在各尙書內若以資格而論則劉墉約彭元瑞三人俱較輩誥爲深但劉墉向來不肯實心任事卽如本日召見新還知

府戴世儀人其庸劣斷難勝方面之任朕詢之劉墉對以尙可是劉墉平日於銓政用人諸事全未留心率以摸稜之詞塞責不勝
綸旨卽此可見彭元瑞不自檢束屢次獲愆紀昀讀書多而不明理不過尋常供職俱不勝大學士之任董誥在軍機處行走有年
供職懋勤殿亦屬勤勉著加恩補授大學士至王杰因患悵疾久未入直見在軍機處漢大臣止有董誥一人著左都御史沈初在
軍機處學習行走朕於用人行政悉秉大公考績程材無不權衡至當劉墉紀昀彭元瑞皆當捫心內省益加愧勵○大學士王杰
以足疾辭南書房軍機處及禮部事務允之命大學士董誥兼管禮部事務○庚辰以范宜恆爲戶部尙書工部○辛巳贈征
苗陣亡貴州提督花連布太子少保子世職○癸未諭軍機大臣等額勒登保等率將弁分路進攻運籌巖人坡大嘴角等處卡寨
所辦尙好至所奏吳廷義情願縛獻石柳鄧暫行允准予以生路俾首逆不至遠颺一節亦止可如此辦理但吳廷義既願將石柳
鄧縛獻何以苗卡前後賊匪仍復屯聚可見賊情狡獪究屬難信或藉以爲緩兵之計亦未可定此時惟有整頓兵力直前進剿掃
宣擒渠是爲正辦不可情賊奸計又據奏永綏一路擊獲賊目石老必焚燒賊寨二十餘處聞有苗匪攻撲營盤俱經該提鎮隨時
擊退該處未降苗寨本多俟攻克平隴再爲分路搜捕等語所想亦是總之石柳鄧一經就獲其餘想亦易辦勒登保等與明亮
鄂輝當熟商妥辦不可存將就完事之見遽行撤兵○甲申諭軍機大臣等宜縣此時已由西南回省見在川省蓬州有教匪滋事
秦承恩業經馳赴漢中防堵宜縣當探聽信息如川陝毗連地方有應須添兵防堵之處卽酌量情形或派撥將弁帶兵前往協助
或親赴邊界督率彈壓自更得力如秦承恩在彼足資防範甘肅地方亦屬緊要宜縣自當在省靜鎮彈壓不必遽赴邊界將此傳
諭知之○乙酉諭軍機大臣等勒保奏途次面詢威遠辦事道府稱牛肩山裸匪因前此兵練進攻未及圍困兇捕復竄往西大黑
山該處山深箐密人迹罕到並恐竄入緬甯景東邊界及南縣猛通等處糾煽生事更難著手惟有趕蒞威遠設法善辦等語所奏
未免隱躍其詞殊屬非是此等裸黑俱屬徼外野夷散居各處並無頭目非如湖南之苗也不過因一時之貪搶掠近邊夷民村莊
原不值大辦勒保到彼後止須曉諭各夷莊互相保守如裸黑復敢潛來搶掠卽可幫同動殺設各村人數較少卽於山外要隘地
方酌派官兵防守則裸匪等見有防備自不敢復行出山滋事並將土司土兵酌加獎賞令其回巢仍探聽湖南勦捕苗匪及貴州
青溪教匪情形如尙需伊前往會辦卽順道先赴貴州上緊趕辦以除餘孽兩靖地方再赴湖南未遲如青溪教匪業經馮光熊珠
隆阿勦淨而石柳鄧已經就獲勒保於布置防範裸黑後卽可回省辦理地方事務不必再駐威遠致累疑畏別生事端方爲妥
善○丙戌調紀昀爲左都御史沈初爲兵部尙書○雲南巡撫江蘭奏勦降裸黑得旨嘉獎下部議敘○己丑撥部庫銀二百萬兩
備湖北軍需○壬辰以趙佑爲工部右侍郎趙佑調部○賜黃仁勇等三十五人武進士及第出身有差○己亥以孫玉庭爲廣西
按察使趙佑調部○惠齡奏攻克馬王廟賊卡得旨嘉獎下部議敘○辛丑諭軍機大臣等成德既派有兵勇沿河設卡巡查自應偵探
賊情隨時防堵且伊犁營處所距張家口沿河相近乃竟毫無覺察以致賊匪復逃至黃柏山潛匿殊出情理之外文圖與成德同

在關口黃連坪駐紮而賊匪於初六七日搭造浮橋至十三日接到補授雲南提督諭旨竟於十九日起身赴滇置逃竄黃柏山之賊於不顧尤為畏葸可惡成德文圖本應與黃瑞一體革職治罪但見在該處帶兵之人皆從寬宥所有成德文圖前賞花翎及巴圖魯名號俱著革去姑留將軍提督之任令其戴罪圖功以觀後效所有勦辦黃柏山一路軍務即著福甯觀成總統辦理文圖見已回至軍營即著成德文圖分往賊營之西南鶴峰州東南長樂縣界帶兵防堵儘成德文圖再不能堵截又任賊匪他逸則二罪並發必將伊等於軍前正法決不寬貸再因福甯等奏到滋邱賊匪渡河逃逸情形復檢閱二十五日成德文圖奏到之摺據稱成德於十四日接到福甯等札知訂期是夜五鼓進攻即帶領兵勇連夜行走併力攻擊殺死賊匪多名將迎龍山嶺占滋邱賊匪又經文圖黃瑞等督率兵勇殲斃無算等語可見成德等發摺時賊匪業已於十三日渡河直逸乃成德等轉以勦殺賊匪情形鋪張其詞諱為地步以掩飾其不能堵截之罪更為欺詐著福甯等就近傳詢成德文圖將因何前奏虛假之處令其據實答覆迅速覆奏

十一月壬寅朔明燾等奏攻克平隴賊巢得信獎賞賞兵丁一月錢糧○丙午撥部庫銀四百萬兩分備湖北湖南軍需○命董誥為東閣大學士管理戶部○予湖北協勦逆匪故總兵官阿克東阿卹廕○丁未諭軍機大臣等涼山賊匪經惠齡設計攻進將賊首覃士潮等生擒所獲實屬可嘉關騰帶兵由九鼎埡進攻亦屬可嘉著署理宜昌鎮總兵印務投出之張添富等五名為官兵內應放火困賊不但可免其死罪並當酌賞金頂如五人內有為首者著惠齡查明賞給六品頂帶俾知感激如此格外施恩使黃柏山賊眾見之心生靈羨必有紛紛投出者亦解散賊黨之一法於勦捕不無裨益○壬子諭刑部具題山西省已結未解軍流各犯分別准免不准免一本已依議行矣惟聞單內所開各犯案內有忤逆伊祖及父母撻遺之語忤逆之子孫豈可留之於世此奏措詞殊未妥協雖舊例忤逆案內一經祖父父母呈送者均覈其所犯情罪分別定擬但此等擬軍之犯不過因語言觸犯或違犯教令等條若果有實犯忤逆情節豈尚得稍從寬典僅予軍遣今摘敘案內繫以忤逆二字籠統聲敘轉以實犯忤逆重罪之條得邀稍從末減之例明刑所以弼教豈可漫無區別嗣後此等人犯止應摘敘違犯觸犯字樣不得仍前繫以忤逆二字開寫以示嚴實定罪教孝明刑至意○癸丑降汪志伊為江西按察使謝調蔭昆為浙江布政使以司馬駒為山西布政使由按察使調○調陳奉茲為江蘇布政使西成為安徽布政使○丙辰豐汎漫工合龍○以陸有仁暫署陝甘總督卹調○戊午再緩徵河南防卡運餉出力之鄧州等三十六州縣新舊額賦○永保等奏連破賊屯十一處得旨獎賞賞兵丁一月錢糧○庚申諭向來軍營脫逃兵丁有在軍務未竣以前投首者俱發烏魯木齊等處給種地兵丁為奴因屬援例辦理但國家養兵衛民遇有調遣從征之事理宜先驅殺賊奮勇立功乃惟怯無能首先潰散又恃有軍務未竣發遣之例自必採聽軍功將次告成冀圖免死自行投首若皆似此效尤則兵不顧將臨陣紛逃將何以資攻勦此等潰兵情罪重大貸其一死已違寬典若因自行投首僅予發遣為奴轉得置身閒散不足以

示做且於用兵大有關係嗣後軍營脫逃兵丁被獲及在軍務以後投首者仍照舊例辦理外其在軍務未竣以前投首者業行定擬監候永遠牢固監禁俾知儆懼庶足以嚴紀律而肅戎行著為令○姚學瑛緣事解任以倭什布兼署陝西按察使由布政司辛酉豐汛復決○壬戌諭軍機大臣等吉慶奏訪出洋匪聚集並藏匿船隻各處在安南境內且有該國隱匿賊匪情事此時若行文該國反致賊匪聞信潛逃所見尙是刻下暫且無庸行文曉示該國俟派往訪查官員呈報到日吉慶當不露聲色妥為辦理即將賊首擒獲以絕根株○乙丑通政使司參議初彭齡參奏江西巡撫陳淮居官貪黷信任南昌縣知縣徐午串通舞弊各款命解淮任以署兩江總督蘇凌阿兼署江西巡撫衙門部右侍郎台布往鞫嗣訊明徐午代淮墊發贖價修造廟宇勒派屬實革職逮問○命河東河道總督李奉翰赴豐汛堵築○丙寅改鳳凰永綏乾州三廳為直隸同知○明亮等奏攻克茶沖土貢坡湖耳坳等處石卡得旨獎賞賞兵丁一月錢糧○戊辰宜縣等奏勦除興安賊匪得旨獎賞○己巳諭軍機大臣等永保等奏黃龍壩賊匪復偷渡滾河向西竄逸關圍內方向賊匪因呂堰驛等處有官兵截殺是以向西奔竄但賊匪已奔向牛首一帶而官兵僅在竹條鋪截剿並未繞過晉鼓廟許家集一帶迎頭截殺是官兵在賊匪之後尾追一任賊匪西去逾遠而光化縣城是否有兵防守若無所攔截任其沿途偷竄裹掠良民豈不使未遑遭賊地方復受蹂躪著永保等明白覆奏至光化一帶與鄖西等處毗連相近陝西商州若不亟為堵截設賊匪竄入鄖西一帶或與陝省教匪勾結更屬不成事體陝西紫陽平利等處之賊不過川省闖入餘匪易於撲滅現在既有此事宜縣秦承恩柯藩三人可以不必同赴川省著傳諭宜縣等將興安賊匪剿淨後即著柯藩速赴紫陽一帶將闖入賊匪截殺淨盡肅清陝界再赴川省達州協勦興漢地方亦關緊要秦承恩仍在該處彈壓宜縣迅赴商州鄖西堵剿勿使黃龍壩逸匪闖入勾結至景安見在魏家集駐紮賊匪或因西路堵截嚴密復向北竄則鄖州新野地方平行又無要隘可扼設被賊匪四散搶掠更難接捕著傳諭景安設法籌辦或多雇鄉勇或抽撥附近兵丁總期防範嚴密不使逸匪竄入豫境方為妥善○以故大學士公贈郡王銜傅恆協辦大學士尚書公兆惠大學士閩浙總督貝子贈郡王銜福康安四川總督伯瞻公爵和琳配饗太廟○雲貴總督勒保等奏勦擒大鬼里教匪首夥得旨嘉獎下部優敘賞兵丁一月錢糧○以賊匪偷渡滾河西竄革永保保佐瑞慶成太子太保花翎舒亮已圖魯名號花翎革革延綏鎮總兵官楊秀等職留軍前效力贖罪○撥湖南各州縣倉穀六十六萬三千五百軍糧○庚午諭軍機大臣等英善等奏達州東鄉屯聚餘匪竄入橫子山一帶太平縣屬之通天觀等處尙有賊匪竄聚見在兵力無多亟須陝兵助勦著傳諭索費英阿速赴太平會剿無得遲緩至巴克坦布阿爾薩朗訥音碩雪保俱係特派帶領京兵大員到營後自應會籌妥辦乃永保等漫無調度將生力勁兵置之無用之地止知在後尾追巴克坦布等何以率行聽從默無一語行軍之道總應公同籌酌如調度合宜固不應稍存意見若布置失當豈有旁觀坐視聽其指使之理始念伊等甫抵該處是以從寬寬免治罪著傳旨嚴行申飭○永保遠京治罪以惠齡代統軍務○以故貝勒麟惠繼子奕綸襲封貝子○以常明署貴州按察使